



AGENSI PENGUATKUASAAN MARITIM MALAYSIA

JABATAN PERDANA MENTERI

Tingkat 4-11, One IOI Square

IOI Resort

62502 PUTRAJAYA



Tel: 603-89957016

Faks: 603-89410319

Web: <http://www.mmea.gov.my>

Ruj. Kami: APMM UKK.100- 2/1 Jld 10 ()

Tarikh: 30 Ogos 2018

SIARAN MEDIA

PERBARISAN KHAS SEMPENA PERSARAAN TIMBALAN KETUA PENGARAH (OPERASI) MARITIM MALAYSIA

SUBANG, 30 OGOS 2018 - Maritim Malaysia mengadakan perbarisan khas sempena persaraan Laksamana Madya Maritim Dato' Indera Mohd Taha bin Ibrahim, Timbalan Ketua Pengarah Operasi, Agensi Penguatankuasaan Maritim Malaysia di Stesen Udara Maritim Subang (SUMS). Perbarisan ini merupakan tanda penghargaan kepada Dato' Indera yang telah berkhidmat dengan cemerlang selama 42 tahun sebagai penjawat awam agensi kerajaan.

Beliau dilahirkan di Segamat, Johor pada 1 September 1958, Sebelum menyertai Maritim Malaysia telah berkhidmat dengan Tentera laut Di Raja Malaysia (TLD) selama 29 tahun. Beliau memulakan kerjayanya dengan menjalani latihan kadet TLD pada 1977 di *Tranning School at Woodlands, Singapore* dan kemudiannya ditauliahkan sebagai Leftenan Muda TLD pada 23 September 1977.

Semasa di TLDM beliau telah menjawat pelbagai jawatan mulai daripada Pegawai Laksana hingga kepada Pegawai Memerintah. Beliau juga telah menjawat pelbagai jawatan staf di Pegawai Staf Navigasi Markas Armada Program Pertukaran (Exchange Officer) di HMAS Watson, Australia dan Ketua Staf Markas Wilayah Laut Satu, Kuantan, Pahang.

Berdasarkan pengalaman dan pengetahuan yang luas serta komitmen tinggi terhadap agensi serta kepimpinannya yang cemerlang, beliau telah ditukar lantik secara tetap ke Maritim Malaysia pada 2006 bagi meneruskan khidmat dan sumbangan cemerlangnya kepada Maritim Malaysia.

Sepanjang perkhidmatan di Maritim Malaysia Dato' Indera Mohd Taha telah memegang jawatan sebagai Pengarah Penguatkuasaan & Eksesais, Pengarah Cawangan C3I, Ketua penguatkuasa Maritim Wilayah Sabah dan Labuan, Pengarah Akademi Maritim Sultan Ahmad Shah (AMSAS), Timbalan Ketua Pengarah (Logistik) dan dinaikkan pangkat sebagai Timbalan Ketua Pengarah (Operasi) Maritim Malaysia sehingga persaraannya.

Beliau amat dikenali dalam kalangan pakar yang terdiri daripada pegawai-pegawai kanan Kerajaan dan bukan Kerajaan, sebagai pengamal undang-undang dan cendekiawan dalam bidang keselamatan maritim dari dalam dan luar negara.

Semasa memegang jawatan Timbalan ketua pengarah Operasi, banyak kejayaan-kejayaan yang telah dicapai diantaranya, pada 7 september 2017, beliau telah mengetuai koordinasi operasi Sailang bagi

menumpaskan satu rompakan lanun ke atas kapal MT MGT1 di 3 batu nautika timur Pulau Yu Besar, perairan Trengganu, operasi ini dilakukan di awal pagi berjaya memberkas 10 orang lanun.

Beliau juga telah mengambil berat berkaitan dengan pencerobohan Bot Nelayan Asing (BNA), ingin memastikan setiap pencerobohan dalam perairan Malaysia perlu dibanteras dengan segera, sepanjang pemerintahan beliau 2017 dan 2018 sebanyak 236 tangkapan telah dilakukan ke atas BNA yang menceroboh perairan negara.

Selain itu, beliau sering dijemput menghadiri pelbagai mesyuarat dan persidangan di dalam dan luar negara seperti Mesyuarat 13th Head Of Asian Coast Guard Annual Meeting di Islamabad, The 7th Experts Meeting On Maritime Confidence Building di Beijing, ARF Seminar On SLOCs Security di Beijing.

Dato' Indera Mohd Taha merupakan seorang yang komitmen tinggi, Berdedikasi, amanah, bersikap tegas di samping berfikiran terbuka dalam perkhidmatan di sepanjang kerjayanya, membolehkan beliau menjadi rujukan kepada semua lapisan pegawai bawahan untuk mendapatkan pandangan dan keputusan agar kepentingan organisasi dan negara sentiasa berada pada tahap yang utama.

#TAMAT#

Dikeluarkan oleh Unit Komunikasi Korporat,
Maritim Malaysia, Putrajaya.

Untuk maklumat lanjut,
sila hubungi:
Adeli bin Hussin
Pegawai Perhubungan Awam
Agensi Pengurusan Maritim Mmalaysia
Tel: 012-6592068